

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 37. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 19. sjednici, održanoj dana 10.05.2023. godine, d o n o s i

ZAKLJUČAK

o usvajanju Programa utroška sredstava Budžeta Zeničko-dobojskog kantona za zdravstvenu zaštitu životinja u 2022. godini, u razdjelu 23, budžetska organizacija 01, potrošačka jedinica 0001, ekonomski kod 614400, NAD 405 pozicija „Subvencije-veterinarstvo“, „budžetska sredstva“

I.

Usvaja se Program utroška sredstava Budžeta Zeničko-dobojskog kantona za zdravstvenu zaštitu životinja u 2023. godini, u razdjelu 23, budžetska organizacija 01, potrošačka jedinica 0001, ekonomski kod 614400, NAD 405, „Subvencije-veterinarstvo“, „budžetska sredstva“ u iznosu od 200.000,00 KM (slovima: dvijestotinehiljada konvertibilnih maraka), Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) i čini sastavni dio ovog zaključka.

II.

Sredstva planirana Budžetom Kantona za namjene predviđene ovim zaključkom realizovaće se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

PREMIJER

Broj: 02-_____/23
Datum, 10.05.2023. godine
Z e n i c a

Amra Mehmedić

DOSTAVLJENO:

1x Ministarstvu za poljoprivredu, šumarstvo i vodoprivredu,
1x Ministarstvu finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE**

ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



PROGRAM

*utroška sredstava Budžeta Zeničko-dobojskog kantona
za zdravstvenu zaštitu životinja u 2023. godini*

Zenica, april 2023. godine

Podaci o programu

Program je usvojen: na 19. sjednici Vlade Zeničko-dobojskog kantona održanoj dana 10.05.2023. godine.

Period realizacije Programa: Mjere zdravstvene zaštite životinja iz Programa koje budu provedene u periodu od 01.01. do 31. 12.2023. godine.
U ovom periodu izvršit će se i isplata neisplaćenih naknada štete za uginule i neškodljivo uklonjene životinje u 2022. godini.

Ukupna vrijednost Programa: 200.000,00 KM

Namjena Programa: Zdravstvena zaštita životinja

Korisnici Programa: Veterinarske stanice, dijagnostičke ustanove, poljoprivredni proizvođači-vlasnici životinja, pčelari-fizička i pravna lica, općine/gradovi (u daljem tekstu: Korisnici).

Izvor sredstava: Budžet Zeničko-dobojskog kantona za 2023. godinu, Ministarstvo za poljoprivredu, šumarstvo i vodoprivredu, " Subvencije - veterinarstvo" razdjel 23, budžetska organizacija 01, potrošačka jedinica 0001, ekonomski kod 614 400, NAD 405 i Zakon o izvršavanju Budžeta Zeničko-dobojskog kantona za 2023. godinu ("Službene novine Zeničko- dobojskog kantona", broj: 3/23).

Odgovorna osoba: Vinko Marić, ministar

I ZAKONSKI OSNOV ZA DONOŠENJE PROGRAMA

Zakonski osnov za donošenje Programa utroška sredstava Budžeta Zeničko-dobojskog kantona za zdravstvenu zaštitu životinja u 2023. godini sadržan je u odredbama člana 124. Zakona o veterinarstvu ("Službene novine Federacije BiH" , broj: 46/00), Zakona o hrani („Službeni glasnik BiH“, broj: 50/04) a u vezi sa članom 37. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), kojim je utvrđeno da će se navedena sredstva koristiti u skladu sa Programom utroška kojeg donosi Vlada Kantona.

Ministarstvo za poljoprivredu, šumarstvo i vodoprivredu (u daljem tekstu: Ministarstvo) je izradilo prijedlog programa utroška sredstava Budžeta Zeničko-dobojskog kantona za zdravstvenu zaštitu životinja u 2023. godini (u daljem tekstu: Program).

II IZVORI I VISINA SREDSTAVA IZ KOJIH SE FINANSIRA PROGRAM

Budžetom Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), „Subvencije-veterinarstvo“, u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „budžetska sredstva“, predviđena su sredstva u iznosu od 200.000,00 KM (slovima: dvijestotinehiljada konvertibilnih maraka).

III AKTIVNOSTI PROGRAMA ZDRAVSTVENE ZAŠTITE ŽIVOTINJA

Na osnovu trenutnog stanja u pogledu kretanja zaraznih bolesti domaćih životinja na području Zeničko-dobojskog kantona, a na temelju odredbi Zakona o veterinarstvu („Službene novine Federacije BiH“, broj: 46/00) i Zakona o zaštiti i dobrobiti životinja („Službeni glasnik BiH“, broj 25/09) i u skladu sa raspoloživim sredstvima Budžeta Zeničko-dobojskog kantona za 2023.godinu, planira se utrošak sredstava za provođenje slijedećih mjera i aktivnosti:

1. Kontrola zdravlja vimenaa,
2. Uzimanje uzoraka za ispitivanje Infektivne anemije konja,
3. Naknada štete za eutanazirane životinje,
4. Pomoć u provođenju Zakona o zaštiti i dobrobiti životinja,
5. Preventivna vakcinacija goveda protiv Crnog prišta,
6. Preventivna mjera pregleda mesa na prisustvo larvi Trichinella spiralis,
7. Realizacija nerealizovanih zahtjeva iz prethodnog perioda i pomoć u posebnim okolnostima.

1. Kontrola zdravlja vimenaa-Sufinansiranje laboratorijskih pretraga broja mikroorganizama i somatskih stanica u mlijeku krava koje se stavlja u javnu potrošnju, za proizvođače koji su u sistemu organizovanog otkupa mlijeka ili su registrovani za preradu mlijeka u vlastitom domaćinstvu. Sufinansiranje iznosi 20,00 KM/kravi u laktaciji. Mjere dijagnostičkog ispitivanja sprovodit će nadležne veterinarske stanice na dodijeljenim područjima djelovanja. Pravo na sredstva ostvaruju poljoprivredni proizvođači putem veterinarskih stanica. Planirani iznos sredstava je 120.000,00 KM.

Cilj: osigurati otkup mlijeka za javnu potrošnju samo od zdravih kontrolisanih i ispitanih muznih krava, eliminisati iz produkcije sve životnje sa oboljelim vimenom.

2. Uzimanje uzoraka za ispitivanje Infektivne anemije konja – Uzimanje uzoraka krvi svih konja radi ispitivanja na prisustvo uzročnika zarazne bolesti Infektivna anemija konja na području Kantona. Pravo na sredstva ostvaruju vlasnici konja putem veterinarskih stanica. Planirani iznos sredstava je 5.000,00 KM

Cilj: suzbiti bolest i ukloniti sve seropozitivne životinje kako bi zaštitili zdravu populaciju konja.

3. Naknada štete za eutanazirane životinje – Za eutanazirane životinje i predmete uništene tokom provođenja naređenih mjera, u skladu sa članom 45. i članom 46. Zakona o veterinarstvu ("Službene novine Federacije BiH", broj: 46/00), vlasnicima se plaća naknada štete. Mjere se provode po naredbi Glavnog federalnog veterinarskog inspektora, a za bolesti pčela po naredbi kantonalnog veterinarskog inspektora. Naknada štete se namiruje iz Budžeta Kantona i Budžeta Federacije u jednakom iznosu, a iznos naknade štete korisniku utvrđuje Komisija za procjenu tržišne vrijednosti životinja imenovana od ministra Ministarstva za poljoprivredu, šumarstvo i vodoprivredu Zeničko-dobojskog kantona, u skladu sa odredbama Pravilnika o postupku isplate nadoknade štete za neškodljivo uklonjene seropozitivne životinje („Službene novine Federacije BiH“, broj: 98/12 i 88/18). Planirani iznos sredstava je 20.000,00 KM

Cilj: provesti sve naređene mjere eutanazije životinja i izvršiti pravičnu nadoknadu štete vlasnicima koji su ispunili propisane uslove, za sve ubijene životinje.

4. Pomoć u provođenju Zakona o zaštiti i dobrobiti životinja – Kao pomoć općinama/gradovima u provođenju mjera zbrinjavanja, zdravstvene zaštite i dobrobiti životinja koje su propisane odredbama člana 30. Zakona o zaštiti i dobrobiti životinja („Službeni glasnik BiH“, broj: 25/09) i odredbama člana 124. Zakona o veterinarstvu ("Službene novine Federacije BiH", broj: 46/00) kao mjere koje se finansiraju i iz Budžeta Kantona. Planirani iznos sredstava je 20.000,00 KM.

Cilj: osigurati uslove za smještaj većeg broja napuštenih životinja i smanjiti populaciju napuštenih životinja, osigurati bolje uslove za pružanje zdravstvene zaštite i njege životinja u prihvatilištima.

5. Preventivna vakcinacija goveda protiv Crnog prišta - provodi se u svrhu sprečavanja suzbijanja i iskorjenjivanja ovih bolesti kod životinja jer predstavljaju opasnost za zdravlje ljudi i opasnost od nastanka velikih materijalnih šteta. Planirani iznos sredstava je 10.000,00 KM.

Cilj: vakcinisati sva goveda u distriktima Antraksa i tako smanjiti opasnost od širenja bolesti na ljude.

6. Preventivna mjera pregleda mesa na prisustvo larvi Trichinella spiralis - u svrhu zaštite zdravlja ljudi i životinja u svim slučajevima klanja svinja radi upotrebe mesa za ljudsku ishranu, izvršiti će se pregled mesa na prisustvo larvi Trichinella spiralis. Navedena mjera ima pravni osnov u Odluci o mjerama za suzbijanje i iskorjenjivanje trihineloze životinja ("Službeni glasnik BiH", broj 44/03), Pravilniku o načinu obavljanja pretrage na prisutnost trihinelu u mesu ("Službeni glasnik BiH", broj 56/11 i 4/13). Planirani iznos sredstava je 5.000,00 KM.

Cilj: Smanjiti opasnost od širenja bolesti trihinelozu na životinje i ljude.

7. Realizacija nerealizovanih zahtjeva iz prethodnog perioda i pomoć u posebnim okolnostima – svrha utroška je izmirivanje svih nerealizovanih potraživanja iz prethodnog perioda kao i dodjeljivanje pomoći za revitalizaciju animalne proizvodnje koja je pretrpila

znatne štete i za čije pokretanje sam vlasnik nije u mogućnosti obezbjediti sva sredstva. Planirani iznos sredstava je 20.000,00 KM.

Cilj: izmiriti sva zaostala potraživanja i pružiti odgovarajuću pomoć subjektima koji su pretrpili materijalnu štetu.

IV KRITERIJI ZA ODOBRAVANJE SREDSTAVA

A. Opći kriteriji

Sredstva po ovom Programu moći će ostvariti Korisnici koji ispune opće i posebne kriterije, kako slijedi:

- Korisnici moraju imati prebivalište, odnosno sjedište na području Zeničko - dobojskog kantona a SPH moraju posjedovati veterinarski kontrolni broj ili evidencijski broj,
- Korisnici ne smiju imati dugovanja prema Kantonu po osnovu javnih prihoda i svih ostalih obaveza prema Kantonu, u skladu sa Zaključkom Vlade Zeničko-dobojskog kantona, broj: 02-14-8705/17 od 01.06.2017. godine,
- Korisnici ne mogu ostvariti pravo na finansiranje istih preventivnih mjera u koliko su to pravo ostvarili kod drugog kantonalnog ili federalnog organa,
- Životinje koje budu obuhvaćene mjerama iz ovog Programa zdravstvene zaštite moraju biti propisno obilježene i moraju biti upisane u jedinstveni registar domaćih životinja, u skladu sa Pravilnikom o obaveznom označavanju i upisu u jedinstveni registar ovaca, koza i svinja, te vođenje evidencija („Službene novine FBiH“, broj: 87/07) i u skladu sa odredbama Pravilnika o označavanju i kontroli kretanja životinja u Bosni i Hercegovini („Službeni glasnik BiH“, broj: 13/10, 79/10, 25/11, 103/11 i 41/12, 52/15, 2/16 i 66/16).
- Veterinarske stanice Zeničko-dobojskog kantona na dodijeljenim područjima djelovanja i u skladu sa Programom mjera zdravstvene zaštite životinja i njihovog provođenja u 2023. godini, Ureda za Veterinarstvo BiH.

B. Posebni kriteriji

- 1. Kontrola zdravlja vimena** – pored općih kriterija životinje koje se ispituju moraju biti u laktaciji i moraju biti uključene u organizovani otkup mlijeka.
- 2. Uzimanje uzoraka za ispitivanje Infektivne anemije konja**
Konji koji se ispituju moraju biti identifikovani i obilježeni čipom.
- 3. Naknada štete za eutanazirane životinje**
Da bi ostvarili pravo na nadoknadu štete vlasnici eutanaziranih životinja su dužni dostaviti kompletiranu dokumentaciju koja je propisana Pravilnikom o postupku isplate nadoknade štete za neškodljivo uklonjene seropozitivne životinje („Službene novine Federacije BiH“, broj: 98/12 i 88/18).
- 4. Pomoć u provođenju Zakona o zaštiti i dobrobiti životinja**
Korisnici sredstava mogu ostvariti pravo na sredstva kao pomoć za izgradnju skloništima za životinje što se dokazuje vjerodostojnom urbanističkom saglasnošću ili građevinskom dozvolom za izgradnju prihvatilišta za napuštene životinje ili kao pomoć u funkcionisanju, unapređenju ili proširenju postojećih kapaciteta skloništa koja su u upotrebi, dostavljanjem dozvole o formiranju skloništa koja je izdata od nadležnog organa općine/grada.
- 5. Preventivna vakcinacija goveda protiv Crnog prišta** - finasiraće se preventivna

vakcinacija goveda u distriktnom područjima Crnog prišta u Kantonu, radi sprečavanja i iskorjenjivanja zarazne bolesti životinja od značaja za Federaciju BiH i Zeničko-dobojski kanton, jer predstavlja opasnost za zdravlje ljudi i mogu nanijeti velike materijalne štete.

6. **Preventivna mjera pregleda mesa na prisustvo larvi *Trichinella spiralis*** – finansiraće se preventivni pregled mesa domaćih svinja i mesa slobodno živuće divljači vlasnicima životinja na području Zeničko-dobojskog kantona radi zaštite zdravlja ljudi.
7. **Realizacija nerealizovanih zahtjeva iz prethodnog perioda i pomoć u posebnim okolnostima** - odobrava će se zahtjevi iz prethodnog perioda koji zbog određenih administrativnih poteškoća nisu isplaćeni ili kada je korisnik ostvario pravo u ponovljenom postupku provedenom po pravosnažnoj sudskoj presudi, odnosno po pravosnažnom rješenju donesenom u drugostepenom postupku. Dodjeljivaće se sredstva pomoći zbog šteta nastalih kao posljedica prirodnih nesreća ili šteta nastalih zbog naglih uginuća životinja, a koje nisu nastale nebrigom vlasnika. Nakon razmatranja zahtjeva sredstva će odobravati Vlada posebnim zaključkom ili odlukom, na prijedlog Ministarstva.

V SVRHA PROGRAMA

Svrha ovog Programa je da se nastavi uspostavljeni kontinuitet provođenja mjera zdravstvene zaštite životinja kao bitnog preduslova zaštite zdravlja ljudi, a posebno da se:

- a. poboljša zdravstvena zaštita životinja,
- b. pojača prevencija zaraznih bolesti domaćih životinja,
- c. intenziviraju mjere za suzbijanje i iskorjenjavanje postojećih zaraznih bolesti,
- d. zaštititi zdravlje ljudi.

VI VISINA I RASPODJELA SREDSTAVA PO AKTIVNOSTIMA

Budžet Zeničko-dobojskog kantona za 2023. godinu, Ministarstvo za poljoprivredu, šumarstvo i vodoprivredu, "Subvencije - veterinarstvo" razdjel 23, budžetska organizacija 01, potrošačka jedinica 0001, ekonomski kod 614 400, NAD 405 i Zakon o izvršavanju Budžeta Zeničko-dobojskog kantona za 2023. godinu ("Službene novine Zeničko-dobojskog kantona", broj: 3/23) predviđena su sredstva u iznosu od 200.000,00 KM (slovima: dvijestotinehiljada konvertibilnih maraka).

Tabelarni prikaz Programa zdravstvene zaštite za 2023. godinu

R/B	Naziv	Iznos u KM
1.	Kontrola zdravlja vimen	120.000,00
2.	Uzimanje uzoraka za ispitivanje Infektivne anemije konja	5.000,00
3.	Naknada štete za eutanazirane životinje	20.000,00
4.	Pomoć u provođenju Zakona o zaštiti i dobrobiti životinja	20.000,00
5.	Preventivna vakcinacija goveda protiv Crnog prišta	10.000,00
6.	Preventivna mjera pregleda mesa na prisustvo larvi <i>Trichinella spiralis</i>	5.000,00
7.	Realizacija nerealizovanih zahtjeva iz prethodnog perioda i pomoć u posebnim okolnostima	20.000,00
	U K U P N O :	200.000,00

Napomena: Kolone u tabelama koje definišu procjenu potrebnih sredstava u KM su projekcija mogućeg utroška sredstava,

tako da će ovisno o broju zahtjeva biti prelijevanja sredstava iz jedne aktivnosti u drugu. Zbog mogućih nepredvidivih situacija u pogledu stanja i kretanja zaraznih bolesti životinja, moguća su preusmjerenja već planiranih sredstava u druge neophodne mjere (aktivnosti).

Na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, Vlada Zeničko-dobojskog kantona će za svaku planiranu aktivnost ili u slučaju utroška sredstava iz rezerve ovog Programa, posebnim zaključcima ili odlukama odobravati sredstva iz Budžeta.

Broj: 02- /23

Datum, 10.05.2023. godine

Z e n i c a

PREMIJER

Amra Mehmedić

DOSTAVLJENO:

1x Ministarstvu za poljoprivredu, šumarstvo i vodoprivredu,

1x Ministarstvu finansija,

1x a/a.